

賀縣志卷二

建置部

城池

廨署

壇廟

津梁

古蹟

學校

兵防

賀縣志

卷二目錄





賀縣志卷二

建置志

一代之興必有一代之制或因或建或廢或置固無多  
變革然亦不盡沿襲也吾賀縣於漢郡於吳國於南宋  
州於唐至明乃合數治定於一而立學則自宋始設營  
則自明始若城郭若廨宇若壇廟津梁閱年既久今古  
互殊是皆建置之不可不考者我

朝承前代之舊一切典禮未之或更官斯土者誠按籍而  
稽相與講求治人事神之道則藩籬永固俎豆聿新民  
俗益端軍威遠震安見兵燹以還古蹟之未盡復者不

賀縣志

卷二

且次第修明駕前規而上之也乎或謂學校兵防大典  
也宜別爲篇紀則又不知建置之所該甚廣正無妨以  
類相從耳



城池

王者建邦啟宇必先城池以守此土以治此民高深稱地利焉賀在唐以前皆土城圍七里門四五代史南漢劉晟乾和六年遣巨象指揮使吳珣攻賀州已克之楚時楚王馬希廣來救珣鑿大阱於城下覆箔其上以土敷之楚兵逼城悉陷阱中是城之有隍始於五代時也宋德祐四年郡守陳士宰重修通甃以磚郡人毛邁監其工鑄記於東月城門石上城高二丈厚八尺周五百七十七丈零四尺梁壹千零七十有四東築月城門正出曰鎮連謂連山南亦築月城門左出曰寧建謂開建西曰進賢北

賀縣志

卷二

建置部城池

曰拱極門設而不開風鑑家謂當臨江之衝也四門皆有譙樓門上樓以望敵者惟東建於月城門上即臨江為池南西北三方皆深七尺濶二丈五尺元初毀諸城惟此獨存明洪武二十九年設守禦千戶所時軍民多疫俗以甑山高逼西城不利千戶王奎閉以土石并廢其樓嘉靖十一年府江兵備道副使伍箕知縣王聰重修增角樓四窩舖十有六今俱廢東南門各設兵馬司一隆慶五年五月大水滄城知縣陳試修葺之郡志云嘉靖十四年事按陳試為隆慶時知縣郡志誤仍開西門復建樓曰瑞雲增設兵馬司有復西門樓尋復閉今距門丈許當中有石塔高七尺上記入藝文



刻釋誥明成化十七年立蓋爲此門設也

國朝乾隆四年知縣馬世煥晏體謙重修悉仍舊制惟角樓窩舖未復城四面各有營俱廢惟西北有郭或云亦城基後內移皆無門自二城門閉門外卽荒野城東門迤北而上曰上關有民房旅店迤南而下曰下關舊爲鍾姚兩巨姓居宅由東門直渡浮橋爲上下河東沿涯上下爲日中市百貨叢集稱極盛焉咸豐八年髮匪陳金剛由懷集撲賀踞城之西北郭分賊踞下關由此掘地道以棺木盛硝藥穴地攻城城崩五次綿亘百餘丈圍五十餘日遂陷越三年本省布政使蔣益澧暨雲南

# 賀縣志

## 卷二

建置部城池

三

布政使劉嶽昭督兵克之城復同治三年知縣嚴正圻重修

光緒十四年西南隅崩缺數丈知縣吳慶芾通行增修



解署 倉庫附

有城郭即有官守在公退食解署攸關綦重修廢舉墜凡百建置胥視此也臨賀在明以前或國或郡或州相傳其治皆在北城內南向今臨江書院四圍悉舊址也明洪武元年仍為賀州知州姚晉治在東城內當是臨賀縣附郭舊署十年改縣知縣葛禮重修嘉靖二十三年知縣葉中梅隆慶知縣陳試萬歷知縣何天衢或增或修或改修自堂室而吏舍而治門而鼓樓外如戒石亭聚秀坊幾經更易悉燬於明季至宰官到任棲止無所里下歛資構民房葺以茅籬蔽風雨

按今署為董雲山舊宅傳係沒

賀縣志 卷二

建置部 解署

四

入者

國朝康熙九年知縣何標修復始易以木植磚瓦五十七年知縣韓牧吉捐建大門儀門乾隆二十八年知縣徐大夏捐資修葺內外一新焉咸豐八年城陷署又半毀於賊同治二年知縣嚴正圻重修內署及左右廳事同治十年署縣張聯桂重修大堂今據其規制備識之

外署

大堂一座

安吉館

在大堂後左今暫作監獄

監獄

舊在頭門內左今未修復



左翼

吏禮承發戶左倉監房共五間

右翼

兵刑工舖長戶右房共五間

儀門一座

福德祠

在儀門左

頭門一座

照壁一座

內署

二堂一座

左廳事一座

右廳事一座

賀縣志

卷二

建置部廨署

五

右廳後一座

光緒辛巳知縣黃玉桂創修

三堂一座

縣丞署

在桂嶺鄉大會墟東向咸豐間舊署燬於賊同治九年

縣丞盧昌時捐資重建

典史署

在縣署右即舊義倉地按舊署在十字街久廢明嘉靖

三十七年縣丞裁即以丞署為捕署在倉前今節孝

祠後地明季燬 國朝乾隆三十九年典史謝霖始

以倉廳之備作公館者為捕署咸豐八年燬於賊光



緒七年典史鄧壽齡修復

里松巡檢司署

舊署在里松墟乾隆間遷署黃田墟咸豐初年燬於兵燹今未修復

信都巡檢司署

在封陽舊墟明末圯 國朝康熙四十四年設弓兵十四名巡檢楊洪道修復司署咸豐間燬今賃居官潭墟民房

教諭署

今在南門內明倫堂後即舊五王殿地按舊署在東城

賀縣志

卷二

建置部廨署

六

內明嘉靖二十三年教諭李貴遷建南門內學宮旁改訓導署年久圯 國朝康熙九年教諭劉懋沛修復乾隆十四年教諭謝璉修復在今明倫堂左

訓導署

舊署在今明倫堂右即萬曆五年建鳴陽書院地 國初教諭居康熙四十五年修葺仍爲訓導署咸豐間燬後暫遷文廟右光緒己丑訓導廖鳴鑾修復

富賀營都司署

在南城內明嘉靖間知縣王聰建守禦千戶所正廳東西百戶所吏目廳監房旗纛廳後燬崇禎十三年修



復爲賀縣營署

國朝順治十四年守備蕭起鳳重修復旗纛廳於大門內東偏康熙十四年守備唐鳳二十五年守備王智炅俱重修雍正九年併富川營爲富賀專營守備改都司簽書同治初都司張鳳鳴將內署小修光緒十四年都司陳玉樑增修儀門一座官廳一間十六年都司馬麒將署內外通行修葺規模一新

城守署

在南城內咸豐八年燬同治十二年城守高繼昌修復桂嶺營署

賀縣志

卷二

建置部解署

七

在桂嶺大會墟南三里明隆慶間設守備駐防明末廢今爲汎

舖門營署

在舖門墟雍正二年知府胡醅仁倡捐知縣黃爲漢創建駐守備九年廢今爲汎

教場

在北城外演武廳二今存一

漏澤園

俗名義塚

明末兵燹後西北城外白骨纍纍里人姚宗舜偕同里壯在科通行拾聚瘞南門外爲塚二其孫姚昱升



復發以石立碑識之後祖孫皆以子貴膺封爵

倉舊名濟留在西門內明季燬 國朝康熙九年知縣

何標遷建署內三十二年知縣翟鴻儀捐所置署旁

民房改建名預備倉又集里下金建倉廳三進及前

門翼房有記記載雍正六年知縣徐大材增建常平

倉七年署縣劉廷錫又增建乾隆二十八年知縣徐

大夏又增建凡上官行縣皆以倉廳備公館儲運倉

在縣堂東乾隆二十三年建初行之甚益於民後廢

先是預備倉原有積穀雖腐朽非凶年不發後儲運

倉每年轉輸農民捐出息谷上倉民大便之嗣後蠹

# 賀縣志

## 卷二

建置部倉庫

八

役重利取納奸民欠穀者逃徙而倉遂虛常平倉一

名東倉以儲運便民而此倉之穀半腐朽其每年新

納者亦有名無實遭逢凶旱民遂無依嘉慶十年秋

官紳民會商以爲倉厥無儲積害遂至此於是遂商

儲穀之計擬於商舶上分各埠頭抽收每穀萬觔抽

三百觔入倉每百觔折銀九錢共銀貳兩柒錢官紳

催辦收各埠頭總項採買穀叁十餘萬觔由是東倉

遂實次年各埠頭裁去每萬觔貳兩柒錢之項惟大

橋馬頭未裁因紳士合稟請上憲及縣官以爲大橋

所收爲數有限既非重剝商民亦不妨於正稅且官



紳合辦無蠹役之侵漁利溥而法美至今行之此義倉所由來也

### 義倉

在東城內左頭門一座右耳房正廳一座五間

樓上祀倉神並

邑侯楊公徵詩神主

倉廩十間頭門對廳一座同治四年知縣

柳增秀暨紳士鍾光奎嚴振德等建先是咸豐八年城破後倉穀無存同治元年知縣楊徵詩倡復義倉每年由大橋稅廩抽穀每萬觔抽銀貳兩柒錢交紳士經營於七八月糶穀至次年四五月平糶以備凶荒今漸積有肆拾餘萬觔之數光緒十六年春知縣

## 賀縣志

### 卷二

建置部倉庫

九

全文炳以商舶穀少米多議於抽穀之外每米一包抽錢貳拾文入倉按季交局紳經理從此歲有擴充倉穀當立見起色矣

光緒十六年知縣全文炳奉檄勸設各鄉社倉上六里

- 一黃田八團捐穀壹拾壹萬玖千玖百斤倉建黃田墟
- 一芳林團捐穀柒萬零叁百斤倉設芳林墟
- 一道石團捐穀伍萬斤倉設道石墟文武廟
- 另馬鼻村何錫恭勸捐穀貳萬斤倉設本村
- 一里松團捐穀陸萬貳千斤倉設里松墟



一社倉原以備荒歉濟貧困平糶之法亟宜講求除尋常小歉不爲民害者不問外如米價驟昂至二兩以上則集衆會計量穀若干減定價值按村戶大小發公正紳耆甲長承領以現錢交易分糶本村窮民不得徇私漁利倘遇大祲之年米穀奇貴其可以自贍者無庸代謀若口食窘乏則由各村查明極貧次貧二等分造大小丁口冊預報社倉社長統計社內丁口數目定期開糶極貧取價若干次貧取價若干或有孤寡殘疾赤貧無告者則不取價而賑濟之總期開誠布公一視同仁倉穀即絀亦須設法接濟則梓誼同敦無虞缺乏矣如

## 賀縣志

### 卷二

倉庫

中有捏報侵漁等弊查出議罰

一出入細數分別舊管新收開除實在四柱造具清冊二本限十二月送縣察核蓋印一本發還一本留縣備案至更換董事限六七月議定呈縣核明給諭以便入新時眼同舊董事收倉清楚即行交接倘有虧短速即揭報追賠如或徇情不報事發勒令同繳

一社倉爲備荒起見然縣屬接壤八邑逼近苗疆設有其他警調練集防准其報縣核實動用此外小患及一切事宜無論官民一概不容挪支分毫顆粒待十年以後果能繼長增高則將每年所入盈餘酌提數成分行善



舉建社學以培人才  
設育嬰以全民命  
濟困扶危推行  
盡利是望後之賢者

賀縣志

卷二 倉庫



一蓮塘團捐穀伍萬零叁百斤倉設蓮塘墟

另白花村江澄清等勸捐穀柒萬貳千斤倉設本村

一鷺塘團捐穀伍萬貳千斤倉設鷺塘墟龍塘廟

一公會團捐穀伍萬斤倉設公會墟文武廟側

另鞏橋頭各村捐穀貳萬壹千柒百斤倉設鞏橋頭

楊會各村捐穀壹萬陸千斤倉設楊會村

都木洞各村捐穀壹萬斤倉設福村寺

中六里

一大凝團捐穀貳萬叁千斤倉設大凝墟另賴村捐

一桂嶺五團捐穀玖萬斤另同善團捐穀貳萬五千斤  
忠信團捐穀貳千捌百斤

賀縣志 卷二 倉庫

一南鄉團捐穀肆萬貳千斤倉設南鄉墟

下六里

一官潭團新捐穀柒萬肆千斤分存舊儲官積穀貳萬

肆千斤並儲臨陽義塾舊倉

另雙橋各村捐穀伍萬斤倉設雙橋村

一舖門團新捐穀肆萬陸分存舊儲官積穀貳萬肆千

斤並儲三里義塾舊倉

另蜀溪團各村捐穀貳萬斤倉設蜀溪廟

壽聖團各村捐穀壹萬捌千斤倉設壽聖寺

一芙蓉團西水新捐穀陸萬斤分存舊儲官積穀壹萬



陸千斤倉建龍泉寺

另東水各村捐穀貳萬斤倉設

廟

摘錄善後章程

一修倉經費劉太尊

恩濬

捐銀貳百兩全邑侯

文炳

捐

銀貳百兩義倉提銀壹千兩按捐穀多寡酌給以資鼓舞或費用不敷由各社自行彌補其有自願捐辦者或一團成一社或數村為一社遵照呈明各聽其便不給修費

一社倉民捐民辦官吏概不經手一切倉務由地方公舉正直殷實者三人充為社長管理三年更代如收放

賀縣志

卷二

倉庫

事繁準社長擇人幫辦此為地方善舉不容推諉不給薪資惟遇到倉辦事時每人日給伙食壹百文

一倉穀宜推陳入新或借或糶集眾會計因時變通不必拘守成例如遇年歲平穩社長於芒種前後標字通衢每村應借穀若干即由各村殷實紳耆甲長出具領紙率同安分農戶到倉發穀每百斤收息穀二十四斤耗穀五斤限處暑後本利繳足偶有拖欠惟經手是問或放借有窒碍處亦於芒種後照時值發售其銀錢或存餉押或存殷戶應否取息公同酌議不得瞻徇情面強借私存至秋收後如數買谷還倉稟官封貯



壇廟 寺觀附

社壇在北城外雍正十年知縣史凌建

先農祠壇在北城外教場雍正五年知縣曹龍文建

風雲雷雨山川城隍壇舊在城西明嘉靖三十五年縣丞

石汝礪移建南門外

國朝雍正十年史凌重建

厲壇在北城外

關帝廟在東門城樓康熙五十七年知縣韓牧吉建光緒

十六年知縣全文炳率紳民重修

陳王廟即忠佑廟在縣治東南宋乾道中建王生隋唐間

賀縣志

卷二

建置部壇廟

十

本郡人

詳後選舉人物

歿為神里人立廟私祀水旱疾疫禱輒

應當始於唐

以為宋孝宗乾道恐誤

宋紹興初賊曹成破賀州據

之賊馬蹂躪於廟旋見一神人叱咤眾懼而退二年岳

飛以八千人追捕曹成十萬眾時李綱屢上劄子謂岳

飛軍單乞韓世忠協之不報藉王神功呵護竟大破賊

軍事聞於朝賜忠佑廟額

以為甯宗慶元恐亦誤

嘉泰元年拒李

陳寇且救旱封顯應嘉熙二年禦廣東叛卒封孚佑淳

佑二年封廣惠五年封靈濟皆侯爵邑人毛鏗有記闕

前明碑字漫漶邑人董雲山倣而述之明正德十三年

賜諭祭勅有司春秋二祀則以大盜劫庫邑令曹嶠禱



之神悉驅賊就殲迄無漏網有此典也嘉靖三十三年大修廟合邑建殿堂拜庭勅書樓後宮殿前兩廊房中門樓則江南湖廣人任之其頭門制如坊後有兩翼前有照牆又廣東人任之規模森壯梓材丹雘俱極堅緻絢爛崇禎十六年冬土寇破城後動大兵剿平以護國滅寇追封王爵春秋祀沿及

國朝今具仍之康熙二十四年重修勅書樓四十二年邑鍾鐸世記雍正七年乾隆初年俱重修改增寢爲樓益兩翼房署縣通判劉思誠知縣徐大夏倡捐合邑共成之邑人龍皓乾記

# 賀縣志

## 卷二

建置部壇廟

土

北府廟在南門內不知創自何時廟鐘載元正四年修廟祀唐李衛公歷代相沿里人以陳王神出巡必同奉衛公李先陳後父老傳公與王故交按二神生同時顧地隔南北唐書武德中李靖爲嶺南安撫使嘗駐兵富川長標嶺後富人卽嶺下建祠祀之時富隸賀州衛公赴藤道出賀或亦思其功德而廟之耶抑過賀時與王交好耶或又曰陳王舉秀才卽不就職當至京師或於此時已結契耶皆不可知想當然耳

文昌閣在北城內乾隆六年建教諭唐應璣記

魁星樓在南城樓左乾隆五年建與文昌閣並記四十七年



知縣程在璫重修

城隍廟在東南大街中明天順間創建宏治知縣黃璉修  
正德知縣曹巘又修嘉靖十九年本府通判葉昌許倡  
捐大修平樂知縣黃玠記 國朝康熙十年知縣何標  
典史張鳳裔修復又建後殿雍正元年重修乾隆八年  
又重修

忠義孝弟祠在今明倫堂左雍正二年知縣黃爲漢建十  
三年知縣丁上之修二十五年教諭李鍾靈訓導宋準  
倡捐重修今尙存

節孝祠在今明倫堂左與忠義孝弟祠同建

## 賀縣志

### 卷二

建置部壇廟

三

準提菴在東南城內

昭忠祠在南城內東向光緒十六年知縣全文炳以祠產  
餘資創建先是復城後賜卹殉難官紳暫祀劉猛將軍  
廟至今乃移於此

劉猛將軍廟在臨江書院右側廟有樓向祀文昌同治十  
三年移祀將軍於上

水府祠在東城外上關祠前有亭爲士大夫迎送之所今  
廢

陳王行祠在城外下關光緒十三年燬今未修復祠左有  
觀音樓



太尉祠在下關咸豐八年燬今未修復

五顯廟在城外之東南隅咸豐八年燬今未修復

三乘寺在臨江書院左側宋德祐間建寺鐘為南漢大寶年

鑄銅質甚異係乾亨寺鐘寺廢遷此三乘曉鐘八景之

一

附錄南漢乾亨寺銅鍾款文

維大漢大寶四年歲次辛酉九月辛酉朔二十五日乙酉鑄造銅鍾一口重一千五百斤於乾亨寺承充供養僧正大德崇愍都監大德行超監寺大德都維那僧楚彤住持從義楚澄榮然戒詮智暹知亮宏遇西頭供奉官都監賀州防拓應援等軍並監賀州事徵事郎守內侍省內府局令賜紫金魚袋梁延康管甲指擣使全友誠劉處詳佐遷內承旨黃守鐔指擣使陳匡遠左雄勇指擣使都監賀州應援軍銀青光祿大夫檢校刑部尚書兼御史大夫上柱國郭達西頭高品譚文定西上閣

賀縣志

卷二

建置部壇廟

十一

門使副權錄事參軍梁延福 郭居弟子楊德威廖師

進宋居訓黃進又詹延達鄧承潤王延猷梁承選蕭彥

鑑黃仁祚李延亮孟漢璿劉意琅黃少璘陳延福胡延

舉蕭彥湘王景起莫少宜陳進清孟漢達孟意通陳德

用姚宏雅黃仁裕虞從慶丘鄰倫延綬嚴匡演楊璨李

常溫廖延通李延意莫楷虞才訓 女弟子蔣氏六娘

黃二娘徐四娘李十四娘虞二十一娘陳二娘歐陽

十八娘陶五娘李二十八娘馮一娘 高品銀青光祿

大夫檢校國子祭酒兼侍御史柱國莫道贇翰林口待

詔文林郎試大理評事王師訓 眾綠應援軍十將盧

法住龐保定楊僧羅法寧劉光美李善能楊象封弩陳

令簡鄧會陳道情梁雪羅貴楊道意楊公海覃廷儀潘

廷美馮金劉迢何匡韻龐葵兒伍僧會潘楚規楊軍朗

梁瑤盧嫩龔硯楊知蘇蘊黃延集楊虔吳採龐奴甯舍

梁彥通梁幼余戀甯光包郃兒洗初鍾添唐勝梁云慶

堯保成劉史乾亨寺住持僧宏遇善儒志寬善慧寺監

寺大德緣集法喜正惠禪院監院大德智堅西山勝果

寺監持大德惠長寺主契真仁王寺監寺大德善德峽

山寺大德從惠審依東南道靈化寺大德延浦 鑄造

匠人梁道崇顏位鄧珠書人區昱鑄字匠人齊公延齊



公握阮仁與田從訓 眾緣弟子馬軍郭道崇陳延嗣  
何懷堅李懷進梁道崇李廷真區彥從錢珣唐緒顏位  
陳彥詳防拓軍十將何肱聶軻王畋成行柔阮敬芝張  
利保區珍陳廷桂李辛宋從順楊廷懿蘇全志植昌鐵  
陳儂陳癸黎小錐陳保得吳甯收區昱鄧珣楊延慶凌  
孟益羅敬旻黎匡克黎崇徽陳法善梁觀音林光嗣禰  
慶眾張僧養林讓梁匡錫陳延智何佛養陳延壽梁保  
志馮僧保李文明陳潘久蘇亞張料六梁保綬何廷活  
劉道誠梁敬遷梁度嚴雷梁光嗣吳佛保陳公遠區延  
志聶再隆陳彥嵩盧光志王佛壽劉韶向延古陳佛看  
蘇保兒蒙愛梁延愛梁和尚莫宋張佛王老徐嫩植崇  
保梁懷徹盧延保區紹陳承鄴黃知道王期陳師黎佛  
念鄧法護洗光嗣李張盧郝封善修盧從緼陳思憲  
女弟子陳三娘區四娘宋九娘李八娘陳二娘任八娘  
簡十娘王一娘劉二娘李九娘廖二娘趙十六娘徐九  
娘何一娘陳一娘 左廂都押衙知桂嶺縣事歐陽敬  
忠右廂都押衙梁存忠防城都押衙黃延靜四界馬步  
都虞侯知馮乘縣事孟漢璫馬步都虞侯莫慶典承議  
郎守連山縣程崇珪捕賊官陳子勳虞承遠馮令瑁軍  
事孔自官知寶城場務虞延慤鼓鑄都勾孔目官知富

# 賀縣志

## 卷二

建置部壇廟

古

川縣梁珠軍事押衙官勾蕩山縣科敬楊蘊讀示孔目  
官鍾全美廳勾孔目官陳昌鼓鑄孔目官鍾度眇曹都  
鍾仁英州司孔目官虞保忠陳承保黃承暉表奏孔目  
官費沆虞仁贊王廷規虞仁祚倉督廖仁亮臨賀縣都  
行者壽虞師岳陳子璩歐陽續桂嶺縣都行者壽李罕  
餘富川縣都行者壽王漢膺董仁興馮乘縣耆壽何仁  
富蕩山縣耆壽黎霜層寶城場行首賓懷祚右鐘高四  
尺四寸口徑二尺五寸四面皆有款文凡千餘字其官  
位及僧徒稱謂亦足考一時之制內多異姓如洗慶植  
禰科賓之類禰音啗今南中尚有此姓而洗或作洗觀  
是鐘而知其誤自五代時已然大寶辛酉為宋太祖建  
隆二年考史是年九月朔壬戌此云辛酉亦差一日矣

赤帝宮在文廟左

廣福祠在三乘寺右

萬壽宮在東門內正街 祀許真君

玉皇樓在水東門街中



龍泉廟在水東上街鍾家巷口祀潁川郡主  
南嶽寺在大墻關口

天后宮在水東上街東營尾明萬曆間建 國朝康熙初  
邑人溫獻瑚修復後又重修邑歲貢袁祖坤有記咸豐  
八年燬同治十三年邑人重建

茅嘉廟在東營尾

真武觀在水東中街明建

陳王祠在水東街尾明建 國朝康熙間重修府同知范周

記

八聖祠在水東街尾橫巷內

賀縣志

卷二

建置部壇廟

十五

香祝祠在水東街尾東去里許

忠勇祠 太尉祠 烏龍廟 俱在水東街尾

沸水寺在城南約十里許倉山之左宋建山有瀑布泉長  
流不竭潺湲可觀

浮山陳王祠在大車灘上有環碧亭宋建玉印曉風名列  
八景誠附郭一勝地也

寶王廟在縣東南蕉木廠祀司銀鑛之神 郡志

觀音閣在鍾家巷口

龍廻菴 在城南龍廻村

元天觀在水東街尾東去里許



福壽寺在白沙村左

洞心寺在百花洞

立琴廟在馬墟尾

靈慶寺在百花洞東八分村南雍正間建知縣史凌記乾

隆間移建西溪改名永慶寺邑人袁 昉記

寺龍菴在梅花洞

鵝塘廟在鵝塘墟內

寶福觀在馬峯明建

文武廟在黃田墟東

福田宮 在黃田墟南

賀縣志

卷二

建置部壇廟

平安寺 在擔石村東北

光緒丁丑年重建

古福寺 在老家洞前里許

關帝廟 一在矮石村背 一在芳林上街

蝦塘廟 在芳林街西三里

華香寺 在鵝鷹團

龍眼廟 在黃田大辰山頂

龍山寺 在李巖團

文武廟 在道石墟口

真武觀 在長山村

秀峯菴 在黃田墟北五里

布金寺 在道石村山上

錦金廟 在黃田南三里

元海寺 在栗木村西

起鳳閣 在擔石村東

紫金菴 在鵝塘紫金山

三界廟 在沙田逸石山上

石排菴 在沙田排山上

鳳凰菴 在沙田墟西十里



馬子廟 在芳林對河

清涼菴 在招賢里三了山上

甘棠廟 在石塔墟北楊會村

高樓祠 在里松墟

龍福寺 一在招賢里東坪村  
一在下島村南

太平觀 在螺石鄉太平墟

鎮甯觀 在大甯墟北五里

龍頭寺 在桂嶺汎對河

龍珠觀 在桂嶺

禪定寺 在招賢里陸村  
一在田富村

聚龍觀 在桂嶺

貞潔祠 在招賢里豬冲

甘棠寺 在招賢里陸村 一在榕木根  
一在田富村

忠孝祠 在桂嶺大會墟北

賀縣志

卷二

建置部壇廟

七

更鼓觀 在桂嶺白泡村下

開甯寺 在開山鄉寺前有石梁俱明邑令歐陽埤建

風古廟 在開山壕界墟西側廟左右一古藤蟠之蓋百年  
物也

崇德廟 在開山壕界墟南首

清修寺 在官潭墟對河

西竺菴 在官潭菴口村

會仙寺 在信都江坪村

蓮花菴 在信都大閘山前

龍巖廟 在官潭龍岩村

香花廟 在舖門鶴村明宏治六年羅紀建



興安寺 在舖門金斗村宋建賢間建

龍泉寺 在芙蓉墟洞口村宋建明間建

龍珠廟 在芙蓉墟洞口村

桃源觀 在芙蓉墟明建

龍江寺 在芙蓉墟宋建

天后宮 在芙蓉墟

梵安寺 在舖門墟西岸

西松廟 在舖門石蝠村

石樓庵 在舖門獨石山上

雲臺庵 在信都上洞盤匙山上

賀縣志

卷二

建置部壇廟

高廣寺 在黃田墟東

保豐祠 在下島村北



津梁

浮橋在縣東門外舊有屢廢嘉靖二十六年署縣布政司經歷朱鯨造船二十四隻維以鐵索隆慶五年夏大水船流失知縣陳試重修設權稅所充軍餉萬厯間知縣李文翰重修有記明未廢

國朝順治間修復年久復朽康熙九年知縣何標重修四  
十一年知縣黃利通大修雍正間知縣黃為漢重修始  
設橋夫四名乾隆間知縣馬世煥徐大夏周心傳前後  
任皆重修迨咸豐八年賊入寇邑人撤去橋船城復後  
知縣楊徵詩重行修造規制一新

賀縣志 卷二

建置部津梁

九

五里橋

在城北五里邑諸生車崇曾建

迦恩橋

在城北明邑人毛鷓建

尚義橋

在城北明義民金勝建

黃家冲橋

在城北十里坪

馬鹿橋

在馬鹿坪

獅子橋

在獅子塘乾隆間知縣彭倚重修有記

芳林橋

在芳林

馬峰大橋

在馬峰

石塔橋

在石塔墟

高明橋

在下營防



浪江橋 在江東里

大成橋 在招賢里大人村前

清龍橋 在招賢清涼庵前

三界橋 在涼庵左

水源橋 在梅塘村

接龍橋 在公會墟背

仙本橋 在石塔墟南

大輦橋 在蓮塘坪

照壁橋 在南門外邑人袁甯建

登仙橋 在城西北沸水寺

賀縣志 卷二

建置部津梁

龍泉橋

馱橋 在信都鄉

板牆橋 在桂嶺板牆村上

定安橋 在桂嶺汎前

開甯石橋 在開山開甯寺前明邑今歐陽暉肇建

邕口橋 在信都

獅灣橋 在信都

窄輦橋 在舖門墟東岸

三板橋 在八步埠

五桂橋 在龍井村前里許乾隆間張國振倡建



五里橋

五顯渡 在城南龍家村上

龍迴渡 在龍迴寨前

野鴨渡 在野鴨寨前

蓮塘坪渡 在蓮塘坪

下島渡 在下島村

點燈渡 在點燈村

下涼八步渡 在下涼村前

芳林渡 在芳林 舊有惠義橋明萬曆初年水漲傾

龍江渡 在龍江

賀縣志

卷二

建置部津梁

三

西灣渡 在富賀交界處

石牛渡 在信都石牛汛

官潭渡 在官潭

五顯渡 在舖門墟上按縣南城外渡亦有是名

龍彭渡 在舖門墟

洞口渡 在芙蓉墟有稅課所

留恩渡 在小水洞



井泉

湯泉 一在里松一在南鄉其水冬夏皆温鄉人就浴焉

桂花井 在城南其水清潔可愛城內居人悉飲之

犀牛井 在黃田村背山上井前有石盤夏秋水涸樵牧

至此渴甚呼犀牛與我水飲水自湧出飲足以水盥手水復退亦靈異也

客姑井 在黃田李巖村井濶餘四周石齒峻嶒其水

四時不竭由鶴鷹寨至擔石至八步入賀江凡黃田一帶土田數千餘畝悉資灌溉焉

七分水井 在縣城五十里從平地湧出灌田甚廣

蓮花井 在桂花坊水煮白米為淡紅色如蓮花故名

玉山泉 在縣西北灌田甚多

賀縣志

卷二

建置部津梁

三

牛頭井 在沙田墟下逸石寨側其水清涼甘美

龍井 在縣東十里歲旱禱雨輒應



古蹟

桂嶺縣在縣東北一百六十里漢臨賀縣地吳分置建興縣屬臨賀郡晉改曰興安隋開皇十七年虞世則平李世賢還潭州登眺形勢謂此城險固十八年改曰桂嶺屬連州武德四年屬賀州元末省入臨賀城址在桂嶺鄉大會墟今忠孝祠即縣署舊地

封陽縣在縣東南一百四十里漢置宋開寶四年省入臨賀城址在信都鄉封陽墟今爲村

蕩山縣在縣西南七十里梁置隋大業二年廢唐武德四年復置宋又廢開寶四年省入臨賀爲昭賢鄉城址

賀縣志

卷二

建置部古蹟

三

無考

舊文廟地在今教諭署左即玉虛觀舊址

鳴陽書院在明倫堂左明萬曆五年通判程世采建今廢

昂霄書院奎光堂在明倫堂右明萬曆十四年邑人毛翊建今廢

成德齋達材齋在明倫堂右康熙四年建今廢

戒石亭 在舊縣署內

申明亭 在舊縣署內

寅賓館 在舊縣署內



旌善亭 在舊縣署內均未修復

按察司分署在城內今廢

主簿缺署無考

府館在城隍廟前今廢

河泊所在城外臨江洪武八年設今廢

陰陽學在水東登雲堂後地明洪武十八年訓術唐碧

山建今廢

醫學明洪武十八年建今廢

僧會司在海雲三乘寺明洪武八年設寺有施田立僧

戶後田賣僧散寺遂改爲習儀所今廢

賀縣志

卷二

建置部古蹟

三

道會司在南門內玉虛觀洪武十八年設後嘉靖間觀廢遷文廟於此

漏澤園一在北城外一在南城外一在大牆關俱廢

養濟院舊在縣前明嘉靖間遷東門內舊學地

國朝康熙九年知縣何標改建北城內今廢

惠民藥局今廢

中和堂在舊州治今廢

十箴堂刻宋周必大十箴於石今無考

望雲樓宋守黃尙賢建今無考

烈女碑在縣廟中唐蘇許公筆今無考



天師舊宅在賀州道錄以爲元中大法師以宅爲廟廟中有美果實往來人食之無患惟采收必致禍風土記

荔枝亭在縣南門外宋知州譚良佐建今無考

廣陽島三大字宋人石刻在鍾山碧雲洞今無考

會靈巡檢司在大甯墟萬曆八年裁革一國初復設今廢

白花土巡檢司在白花洞今廢

沙田巡檢司在江城鄉後遷在點燈寨萬曆八年裁革

樊家巡檢司在招賢鄉萬曆六年經兵巡道議改

設土司今割屬昭平縣

賀縣志 卷二

建置部古蹟

龍母廟在南郭廟有秦碑其神秦人碑備述其靈異今廟廢碑無考

犀牛塔在城南鯉江水犀牛嶺上塔存時桂水直冲嶺

下咸豐八年賊毀塔桂水旋改由玉印山而去後仕宦

踵接人以爲利云

周子祠在桂嶺大會墟西里許祠前有塘周輔成爲桂

嶺令時塘蓮甚茂遂生茂叔後里人建茂叔祠於上今

祠宇雖廢然塘蓮自宋迄今猶在里人以花之盛衰占

年歲之豐歉屢驗

披雲亭宋建今無考



馮乘縣漢置宋廢縣東三十里以馮溪得名  
清音閣傍有瀑布故名宋知州譚良佐建今改爲沸水  
寺

乾亨寺在桂嶺鄉即今龍珠觀舊址南漢時建寺有銅  
鐘頗異後寺廢遷鐘於縣城三乘寺

賀縣志

卷二

建置部古蹟

三



學校 學宮 學額 書院 賓興 祀典 俱附

舊文廟在東城內亦云縣治東宋元祐間郡守鄧璧建元至正初郡守劉晉修十六年燬郡守孫逢辰再建明洪武十年因舊增飾永樂十三年主簿傅岳教諭李滋重修成化三年知縣蔣智訓導馬超新之知府袁衷有記嘉靖十三年知縣王聰遷正殿稍前二十三年參政曾存仁副使李良知府姜樑至縣見舊學不利科目遷建南門內玉虛觀地教諭李文貴經理議賣舊學地償其值巡按御史陳宗夔以擅遷題叅並貢生董玉爵等俱被誣時論惜之二十六年教諭毛純修泮池橋櫺星

賀縣志

卷二

建置部學校

二十七

門三十六年縣丞石汝礪以櫺星用木植更以石會缺裁赴部工未畢經歷石渠成之萬曆二十四年知縣翁懋勳大修廟學培土增高地址旋又傾圯三十四年本府推官周伯遜請帑修復天啟六年知縣鄭伯龍又請帑改建教諭李應楨監修崇禎二年本府推官陳昌文記見藝文是年秋教諭李應楨掘地得青石一方石上白紋宛然治城山水圖畫邑令學博共鑄識之列於戟門識曰陰陽五行其中有精生生化化象成形惟土孕石石上呈文合邑靈秀如掌之明河圖洛書亘古相印明季廟燬國朝康熙二年修復正殿東西兩廡府同知范周記見藝文四年本府通判白鰲宸推官吳鑛守備



王大倫典史張鳳儀生員袁年起毛上習等重修成德齋一間達材齋一間教諭宅二座九年知縣何標教諭劉懋浦復修泮池並名宦鄉賢祠各一間二十四年知縣趙璧捐俸大修守備王智炅記不錄三十三年知縣翟鴻儀重修雍正七年知縣史凌重修正殿並增高戟門三尺乾隆十五年知縣晏體謙二十八年知縣徐大夏三十六年知縣周心傳皆重修加丹雘焉

道光二十四年知縣鶴年暨紳士龍克家鍾衡鑑鍾明奎林峻高黎祖訓等遷南門內舊學改建於都閩署西首面正南白

# 賀縣志

## 卷二

建置部學校

三

大成殿以下兩廊爲東西廡前爲戟門門之外左爲名宦祠右爲鄉賢祠又前爲泮池爲圍橋又前建石牌坊一又前爲櫺星門門外有古井水甚清冽此外爲禮門爲義路爲照壁規制皆視前有加後爲

崇聖祠惟明倫堂尙在舊地

同治四年知縣嚴正圻暨紳士龍得雲等重修邑人鍾毓奇有記

光緒五年修櫺星門因增高大成殿爲三層後於科名仕宦皆不利十一年秋邑紳林肇元回籍決意改修遂於是冬修復如舊制



張載 程頤

東廡 先儒

公羊高 孔安國 毛萇

高堂生

鄭康成 諸葛亮 王通

司馬光

歐陽修 胡安國 尹焞

呂祖謙

蔡沈 陸九淵 陳淳

魏了翁

王柏 許衡 許謙

吳澄

王守仁 薛瑄 羅欽順

陸隴其

西廡 先賢

林放 宓不齊 公冶長

公皙哀

賀縣志 卷二

建置部學校

三

高柴 樊須 商澤

梁鮪

冉孺 伯虔 冉季

漆雕徒父

漆雕哆 公西赤 任不齊

公良孺

公肩定 鄒單 罕父黑

榮旂

左人郢 鄭國 原亢

廉潔

叔仲嚙 公西輿如 邾巽

陳亢

琴張 步叔乘 秦非

顏噲

顏何 縣亶 樂正克

萬章

周敦頤 程顥 邵雍

西廡 先儒



穀梁赤 伏勝

后蒼

董仲舒

杜子春 范甯

韓愈

范仲淹

胡瑗 楊時

羅從彥

李侗

張栻 黃幹

真德秀

何基

趙復 金履祥

陳澥

陳獻章

胡居仁 蔡清

崇聖祠

肇聖王木金父公正中南向

裕聖王祚父公東一室南向

詒聖王防叔公西一室南向

賀縣志

卷二

建置部學校

三

昌聖王伯夏公東二室南向

啟聖王叔梁公西二室南向

配位東

顏氏 無繇

孔氏 鯉

配位西

曾氏 點

孟孫氏

東廡

周輔成 惇頤之父

程珦 顯頤之父

蔡元定 沈之父

西廡

張迪 載之父

朱松 熹之父



學額

按賀縣明歲科兩考各取進生員十八名廩增各二十名

國朝康熙二年歲科並考取進十四名七年取進十五名十年取進十四名廩增各二十名四十九年定額歲科取進文生各十五名歲考武生十五名廩增各二十名二年一貢廩生二十名歲支銀四十兩遇閏加三兩三錢三分四厘同治二年文武永遠加廣一名共十六名拔貢康熙間舊例十二年舉行一次府學二人州縣學各一人雍正五年改爲六年一次乾隆七年定爲十二

賀縣志

卷二

建置部學校

年一舉

優貢順治二年及康熙二十四年議准府學起送二人州縣學起送一人乾隆四年議准大省無過五六名中省三四名小省一二名學政三年任滿詳慎舉報宜缺

毋濫

府志

貧生銀兩廣西每年征學租並米共折銀一千一百兩零五分一厘乾隆二十八年奏歸學政衙門爲各屬貧生膏火之用按學額大小以定銀數發平樂府銀一百三十九兩

府志

新舉人建坊銀人給二十兩地丁銀內動支

府志



舉人會試盤費人給銀十二兩地丁銀內動支府志  
武舉人盤費人給銀十二兩二錢八分六厘地丁銀內  
動支府志

### 書院

臨江書院在北城內舊郡署地雍正十三年知縣馬世  
煥創建撤水東舊義學磚石爲基學地存乾隆二十八  
年知縣徐大夏倡捐改修增建泉西學舍及學門邑人龍皓  
乾記額租收一百七十八石山租銀二十四兩院長東  
脩二十八兩肄業生員九名月給穀各一石童生九名  
各給穀五斗門役工食銀六兩

## 賀縣志

### 卷二

建置部書院

### 三

臨陽義塾在信都舖門墟乾隆三十三年知縣鄭之翀  
倡捐勸建有記

義學二一在縣前久廢一在水東玉皇樓右康熙間在  
城里人嚴雷周龍四姓各捐田入學供修膳立賀義戶  
歲久主官挪移不舉學嚴雷兩處田次第收還龍姓曰  
餼羊也令子孫毋收今與周姓田俱存邑令韓君牧吉  
繼以姜七絕戶田撥入後仍挪移不舉學遂就圯雍正  
間邑令馬世煥遷建於城內爲書院始復舉行乾隆二  
十三年邑令楊君鳳騰撥桂嶺山租二十七年通守劉  
君思誠又撥準提庵入官田二十九年新收程姓捐入



田若干處

俱詳後田賦

徐君大夏遂並前項田糧統歸賀義

戶詳藩郡衙門立案每年師生修膳計支報銷具載

乾經手書院各碑外又收姜八丈出餘田及小杏山租

烏石田租各銀

亦詳後田賦

社學二一在縣城今地租銀歸入學田收解一在信都俱久廢

論曰書院之設昉白鹿而義與社則朱子小學也由

小成而大成造士之序烏可不講吾邑義社諸學俱

廢僅存者書院耳陶育人材益綦重焉夫所治士稱

長官曰父師責望匪淺矧有可藉手即隨所入而經

# 賀縣志

## 卷二

### 建置部書院

三十四

理之亦罔不沾教澤必乾沒焉餘則槩置弗問益上

能幾何損下則大矣是望於賢長官者

以上舊志

臨江書院自兵燹以後老成凋謝碑碣無存產業既

失所稽膏火遂無從出月課一事久如告朔餼羊矣

光緒八年知縣黃玉柱由義倉抽穀項內暫提二百

餘金爲山長束修生童獎賞費此亦一時權宜之計

耳光緒十三年知縣李昶稟請以前任移交罰款肆

百零二兩叁錢叁分撥入書院發商生息又裁去春

秋丁祭紳士胙肉由屠戶歲交銀肆百兩

縣署存案賓與有碑

以二百兩歸書院自是費有所出遂不復提義倉一



項矣 其出入數目亦歸賓興局首事經理

### 賓興

周禮大司徒以鄉三物教萬民而賓興之賓興之義始此而後世乃以為資給試士之名亦由來久矣賀縣於道光十六年知縣黃作霖議設賓興其時僅上中六里紳民捐輸置產以濟鄉會試公用然未捐者不與非徧一邑也光緒九年知縣任玉森倡立按租酌捐之法闔邑響應共得五千金有奇暫發典商行息凡鄉會試及新進童生均有資給其出入數目派首事四人董之三年更代又光緒十三年知縣李昶裁去春秋丁祭胙肉

## 賀縣志 卷二

建置部書院

三

由屠戶歲交銀肆百兩 縣署存案賓興有碑 以貳百兩歸賓興自是歲歲擴充將來即可置業以垂永久矣

### 祀典

### 文廟

每歲以春秋仲月上丁日致祭先期承祭官率陪祭各官齊赴

文廟觀樂省牲執事生員捧毛血瘞

聖殿後瘞畢禮生引承祭官至階下行一跪三叩首禮畢各退至期子刻各官衣朝衣齊集行禮

### 正殿



帛一 牛一 羊一 登一 釧二 簋四 簋四

籩十 豆十 酒罇一 白磁爵三四配祭禮

帛四 豕一 羊一 釧二 簋二 簋二 籩八 豆

八 酒罇一 白磁爵各二

十二哲祭品

帛一 豕一 釧各一 簋各一 簋各一 籩各

四 豆各四 酒罇一 白磁爵三

兩廡祭品 帛一 豕一 每案簋一 簋一 籩四

豆四 銅爵各一

儀注

寶縣志

卷二

建置部祀典

三

各官俱入兩旁門序立贊 盥洗 畢引至臺階 啟鼓啟

門樂舞生各就列執事者各司其事承祭官就位分

獻官陪祭官皆就位 贊迎神 協律舉迎神樂 奏咸平

作典 跪叩興 承祭陪祭分獻各官俱行三 上香 贊引

儀唱 跪叩興 跪九叩首禮樂止典儀唱 官詣神前上香 跪叩興 承祭陪祭分獻各官俱行三

畢復位典儀唱 跪叩興 跪九叩首禮樂止典儀唱 奠帛 司帛者捧帛從階下正 行初獻禮 協律舉初獻

樂 奏宣平之章樂作引贊承 祭官由東階上進殿在門 詣

至聖先師孔子位前 贊引 跪奠帛 捧帛者以帛跪進 獻爵

執爵者以爵跪進 承祭官接爵拱 詣讀祝位 承祭官

獻畢行一跪一叩 自禮興贊引 跪承祭官跪典儀 讀祝 首興復

於案左樂止跪讀



位典行分獻禮贊引分詣

復聖顏子位前分祭官就案跪叩興奠帛獻爵皆如前

畢行一跪一詣

宗聖曾子位前如前儀詣

述聖子思子位如前儀詣

亞聖孟子位前如前儀其十二哲兩廡復位承祭分獻

止典儀唱行亞獻禮協律舉亞獻樂奏平安之章陞壇獻

爵如初獻儀贊引復位承祭分獻官俱復行三獻禮協律舉

三獻樂奏景平之章陞壇獻爵如亞獻儀贊引復位承祭分

復位樂止飲福受胙贊引詣福受胙位承祭官至跪承

賀縣志 卷二 建置部祀典

官跪贊飲福酒承祭官受爵拱受福胙承祭官受胙拱

叩興承祭官三復位承祭官復位徹饌協律舉徹饌

樂奏咸平之章送神協律舉送神樂奏咸平之闋跪

叩興承祭及各官俱行三跪九司祝者捧祝司帛者

捧帛各恭詣燎所捧祝帛者至各位前捧祝文前

立候祝帛過仍望燎協律舉望燎樂與送神同樂詣

復位立典儀唱望燎即唱舉望燎樂作贊引官贊詣

望燎所望燎焚訖樂止贊引官贊禮畢

惟

先師德隆千古道冠百王歷亘古以常昭自生民所未有



屬教洽文明之會正禮和樂節之時咸雍金鼓咸恪  
薦於馨香泮水膠庠益致嚴於籩豆茲當仲春秋祇率

復聖顏子

宗聖曾子

述聖子思子

亞聖孟子配尚饗

崇聖祠

祭品

帛五 羊一 豕一 釧一 簠一 簋一

賀縣志

卷二

建置部祀典

三

籩八 豆八 罇一 白磁爵三

配位祭品

帛二 豕各一 簠一 簋一 籩四 豆四

酒罇一 每位銅爵三

兩麻祭品

帛二 簠一 簋一 籩四 豆四 豕各一

每位銅爵三

儀注同正殿惟無飲福受胙不用樂

祫交乾隆九年部頒

惟



王奕葉鍾祥光開聖緒盛德之後積久彌昌凡聲教所  
覃敷率循源而溯本宜肅明禋之典用申守土之忱  
茲屆仲春秋聿修祀事以

先賢顏氏

先賢曾氏

先賢孔氏

先賢孟孫氏配尚饗

名宦鄉賢同日分祭前後行六叩首禮獻帛三獻爵

名宦祝文 部頒

卓哉羣公懋修厥職澤被生靈功垂社稷茲屆仲春秋

賀縣志

卷二

建置部祀典

三

聿薦明德

鄉賢祝文 部頒

於惟羣公毓秀茲邦懿德卓行奕世流芳茲屆仲春秋

聿薦馨香

文昌神廟每歲定以春秋仲月初三日致祭

祭品

帛一 牛一 豕一 羊一 籩十 豆十

儀注

祭日贊引承祭官進盥洗畢引至殿內行執事者  
左旁門至盥洗所贊盥洗禮處站立典儀唱  
各司其事承祭官就位陪祭官皆就位上香司香者捧香立



案前贊引承祭官先上炷香復承祭官迎神跪叩興各官俱

三上辦香贊引復位典儀唱捧帛執爵者各將帛爵

行三跪九叩奠帛行初獻禮捧舉帛從正階上爵隨

禮立典儀唱官先捧至桌前承祭官行一讀祝讀祝叩興承祭官

跪三叩禮贊引至讀祝位禮復位行亞獻禮執爵者照初獻禮行終獻禮執爵

典儀唱亞獻禮獻畢徹饌送神跪叩興承祭官及各官行三

退典儀唱司祝者捧祝司帛者捧帛各恭詣燎所望燎

祭官至望燎所禮畢引祭望燎典儀唱禮畢官退

祝文嘉慶七年部頒

惟神績著西垣樞環北極六匡麗曜協昌運之光華累代

賀縣志 卷二

建置部祀典

旱

垂靈爲人文之主宰扶正久彰夫感召薦馨宜致其

尊崇茲屆仲春用昭時祀尙其歆格鑒此精虔尙饗

祭後殿三代祭品儀注帛各一豕各一羊各一籩豆

各八行二跪六叩首禮承祭官詣各案前上香餘同

前殿

祭文嘉慶七年部頒

祭引先河之義禮崇反本之恩矧夫世德彌光延賞

斯及祥鍾累代燭列宿之精靈功被千秋綿人文之

主宰是尊後殿用答前庥茲值仲春肅將時事用申

告潔 神其格歆



關帝廟每年以仲春月及五月十三日致祭  
祭品儀注與祭

文昌神同

五月十三日祭品帛一牛一豕一羊一果五盤後殿不用

祝文 乾隆九年部頒

惟

帝浩氣凌霄丹心貫日扶正統而彰信義威震九州完  
大節以篤忠貞名高三國神明如在徧祠宇於寰區  
靈應丕昭薦馨香於歷代累徵異蹟顯佑羣生恭值

賀縣志

卷二

建置部祀典

聖

嘉辰遵行祀典筵陳饗豆几奠牲醪尙饗祭後殿祭  
品儀注與祭

文昌神三代同

祝文 乾隆九年部頒

惟 世澤貽庥靈源積慶德能昌後篤生神武之  
英善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事爲馨  
尙饗

社稷壇每歲春秋仲月上戊日出主於壇而祀之

祭品



帛一色黑豕一 羊一 釧一 籩四 豆四

簠二 簋二

儀注同先農壇

惟 神奠安九土粒食萬邦分五色以表封圻育三

農而蕃稼穡恭承守土肅展明禋時屆仲春秋敬修祀

典庶九九松柏鞏磐石於無疆翼翼黍苗佐神倉於

不匱尙饗

風雲雷雨

山川壇每歲以春秋仲月上巳日祭 風雲雷雨四山

川二

賀縣志

卷二

建置部祀典

望

祭品儀注與社同

祝文 乾隆九年部頒

惟 神贊襄天澤福佑蒼黎佐靈化以流形生成永

賴乘氣機而鼓盪溫肅攸宜磅礴高深長保安貞之

吉憑依鞏固實資捍禦之功幸民俗之殷盈仰神明

之庇護恭修歲祀正值良辰敬潔豆籩祇陳牲帛尙

饗

忠義孝弟節孝祠

春秋有司致祭羊一豕一爵五行一跪三叩禮

忠義孝弟祠祝文 部頒



惟靈稟賦貞純躬行篤實忠誠奮發貫金石而不渝  
義問宣昭表鄉閭而共式祇事懋彝倫之大性摯莪  
蒿克恭念天顯之親情殷棣萼楷模咸推夫懿德

綸恩特闡其幽光祠宇惟隆歲時式祀用陳樽簋來格几

筵尚饗

節孝祠祝文

部頌

惟靈純心皎潔令德柔嘉矢志完貞全閨中之亮節  
竭誠致敬彰壺內之芳型茹冰蘖而彌堅清操自勵  
奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊醪

賀縣志

卷二

建置部祀典

三

尚饗



兵防 營制 屯田 廉俸 器械 軍餉俱附

縣治建於萬山之中地方遼濶北連湖南永州府江華縣東接廣東連州連山縣皆八排猺蠻出沒靡常明嘉靖隆慶間倡亂越境本縣增於桂嶺適中要地建立大營駐守備一員聽縣鎮管設官兵一千二百名分防相思賴村大坪龍脊村峒大泖黃峒蓮花草水停歇龍水石坂企壩共十三營外設石牛沙田里松大烏江尾勒塘車田大塘等營控禦各路隘口方有宣宇明末漸廢矣富賀營駐賀縣城在平樂府東康熙二十一年將富川營官兵全裁歸併賀縣改爲富賀營離府三百七十里

賀縣志

卷二

兵防

器

從先爲守備專泚雍正九年改設都司駐劄賀縣城兼轄富賀二縣額設官兵三百零四名乾隆四十七年裁汰各官養廉步糧三十五名公費步糧六名縣本營駐防兵五十六名撥防各塘兵二十二名分防三泚外委一員兵一百九十名

龍水泚在本營東南一百十里把總一員分防兵十八名撥防各泚外委一員兵五十四名

每月泚弁一次帶兵至下馬鞍坳與廣東三江協左營班瓦泚會哨又每月至馬鞍坳界與懷集營湖琅泚會哨又每月自上馬鞍坳與廣東三江協左營山崗泚會



哨又每月自分水坳與廣東三江協左營梅崗汛會哨  
又每月至馬頭山與廣東連陽營上師汛會哨  
舖門汛外委一員兵十二名

協防舖門汛弁每月一次由分水界嶺至雙峯界與廣  
東開建白沙汛會哨營册

桂嶺汛在本營東北一百五十里千總一員分防兵十  
九名撥防各汛兵四十六名

汛弁每月一次至豬頭坳與廣東三營協右營余高汛  
會哨又每月一次至牛尾嶺與湖南永州鎮左營錦田  
所汛會哨又每月一次至關門嶺與廣東三江右營上

賀縣志

卷二

兵防

四

台汛會哨又每月一次至古壕界與湖南永州鎮左營

嶺東汛會哨營册

以上俱陸路

營制漢唐以前失考

富賀營原設官兵肆百二十名員內都司一員千總二  
員把總二員外委千把總四員官例馬十一匹官馬十  
二匹以上富賀營額兵四百一十一名除咸豐八年九  
月城陷陣亡及不知下落兵丁一百八十六名外現存  
兵丁二百二十五名內於同治四年六月內奉文裁汰  
兵丁二十五名外現在酌留實存馬步戰守兵丁二百



名一駐防賀縣城都司一員存城外委千總一員一駐防賀縣存城馬步戰守兵丁五十三名除分撥各塘外實存駐城馬步戰守兵丁四十二名步戰兵二十名內除分撥各塘戰兵四名實存城戰兵十六名守兵二十五名內除分撥各塘守兵七名實存城守兵十八名一撥防石排塘戰兵一名一撥防獅子塘戰兵一名一撥防芳林塘戰兵一名一撥防謝嶺塘戰兵一名一撥防水竹塘守兵一名一撥防梅花塘守兵一名一撥防青草塘守兵一名一撥防山心塘守兵一名一撥防樂善塘守兵一名一撥防黃公塘守兵一名一撥防雙橋塘

賀縣志

卷二

兵防

四

守兵一名一分防桂嶺汎千總一員戰守兵丁二十五名除分撥各塘外存汎戰守兵丁二十一名一撥防蓮花塘戰守兵丁二名一撥防賴村塘守兵一名一撥防相思塘守兵一名一分防龍水汎二司把總一員戰守兵丁二十一名除分撥各塘外實存汎戰守兵丁九名一撥防杉木塘戰兵一名一撥防初峒塘戰兵一名一撥防中樓塘戰兵一名一撥防三機塘守兵一名一撥防漂灘塘守兵一名一撥防三公塘守兵一名一撥防黃崗塘守兵一名一撥防大凝塘守兵一名一撥防都江塘守兵一名一撥防亭歇塘守兵一名一分防舖門



汎外委把總一員戰守兵丁十名除分撥各塘外存汎  
戰守兵丁九名一撥防石牛塘守兵一名一分防里松  
汎外委把總一名戰守兵丁八名一分防壕界汎外委  
把總一名戰守兵丁八名一撥防公會汎戰守兵丁四  
名

屯田

原額守禦所

屯地二十三頃八十五畝三分二釐零折糧銀一百二  
十三兩七錢二分八釐折租銀七十六兩五錢  
屯地折糧銀一百兩零七錢五分五釐零

賀縣志

卷二 兵防

畢

屯糧折色米二百八十七石八斗七升二合零

廉俸

廣西撫提鎮標及各營協將弁等官以兵丁名糧爲養  
廉之用康熙四十二年酌給親丁名糧乾隆八年改爲  
養廉名糧刪去親兵名目四十六年復奉

旨以此例相沿已久不無尅扣增添等弊所設養廉名糧  
刪除招補實兵按品改給養廉銀兩以乾隆四十七年  
爲始俱令動用正項

乾隆十八年覆准綠旗營武職向係照銜養俸副將以  
下各官原係按品定俸毋庸再議



都司俸銀二十兩三錢九分四釐薪銀七十二兩心紅銀二十四兩蔬炭銀十八兩養廉銀二百六十兩營册俸薪九十六兩零九錢九分六釐

千總俸銀十四兩九錢六分四釐八毫薪銀三十三兩三錢零五釐二毛養兼養廉銀一百二十兩營册俸薪四十五兩

六錢

把總俸銀十二兩四錢七分一釐薪銀二十三兩五錢

二分九釐養廉銀九十兩營册俸薪共三十三兩零六錢

外委千把總四員每員歲支廉餉銀四十二兩

馬戰兵八名每名歲支餉銀二十四兩

賀縣志

卷二 兵防

吳

步戰兵五十八名每名歲支餉銀一十八兩

守兵一百三十四名每名歲支餉銀一十二兩

官例馬十一匹官馬十二匹每匹歲支料乾銀九兩七

錢九分二釐

器械

一新製軍器於同治五年七月內奉准捐抵同治元二

三年夏季分三季欠餉製造軍裝器械旗纛鎗炮等項

數目

紅心綠邊大纛旗二面 紅心綠邊什長旗十面

全紅督陣旗二面 紅方旗二面



黃方旗一面

藍方旗一面

白方旗一面

皂白方旗一百

皂方旗一面

五色方旗一面

拾鎗六桿

烏鎗六十桿

簾牌十五面

牌刀十五面

挑刀六把

梨花木銅式伸腰刀六張

黑壳銅式伸腰刀二十張

步弓六張

馬弓二張

步箭十五盒

紅皮銅式伸撒袋八十副

號褂一百件

冬帽二十頂

得勝帽八十頂

賀縣志

卷二

廉俸器械

器

撒袋箭十八盒

拾鎗大九龍袋六個

烏鎗小九龍袋六十個

拾鎗大藥角六個

烏鎗小藥角六十個

引藥角六十六個

裝鉛子小皮葫蘆十六個

竹弓四張

馬箭三枝

箭桶三個

大戰鼓一面

小戰鼓二個

長桿五十枝

大鑼一面

銅號一對

喇叭一對

鑼鑼一面

崩鑼一個

小鉏一副

火藥一百五十觔



大小鉛子一百觔

火繩二百盤

以上奉准捐抵欠餉製造軍裝器械旗纛鑪鎗炮藥鉛火繩等並陸續製補各兵均敷配帶執用現存庫貯

### 軍餉

富賀營每月散支銀二百九十二兩三錢二分每月共支米八十石零七斗

### 耕兵即名土兵

田總一名哨長三名隊長十四名耕兵一百二十三名分爲三哨一十四隊承耕田九百六十一畝三分六釐征米二十石零三斗一升三合三勺五抄征銀一十五

## 賀縣志

### 卷二

廉俸器械

五

兩九錢四分零八毫八絲

### 紅事賞卹銀

廣西綠營兵丁如遇娶妻及各父母身故每事賞銀三兩如嫁女娶媳及祖父母並兵丁之妻身故每事賞銀二兩其銀於各營裁扣口糧并裁馬改戰裁戰改守各項節省銀兩內動支乾隆四十八年奉

旨紅白銀兩裁扣兵糧兵額不足以四十七年爲始改動

正項其裁兵銀兩解公應賞銀照舊支給

平樂協歲撥銀二百三十兩

富賀營歲撥銀九十二兩



麥嶺營歲撥銀八十兩

以上同兵餉造冊請撥有餘仍歸正項不敷則在支  
剩兵餉內撥給

公費

富賀營歲撥銀一百零七兩二錢三分四釐

賀縣志

卷二

兵餉

五